

Ukiumut missingersuusiorfiusumut 2012-imut kommuninut ataatsimoortumik tapiissutit pillugit isumaqatigiissut

2012-imi kommuninut ataatsimoortumik tapiissutit 1.061.751.000 kr.-inik annertussuseqassapput. Taamaalillunilu ataatsimoortumik tapiissutit 2011-imut sanilliullugit 18,1 mio. kr.-inik annertunellutik. Ilanngussaq 1-imi takuneqarsinnaavoq isumaqatigiissummi ataatsimoortumik tapiissutit 2011-imut sanilliullugit qanoq allannguuteqarnerat. Isumaqatigiissutip immikkuualuttortai ataani allaaserineqarput.

1. Akinut akissarsianullu iluarsiiisutit

2011-imut ataatsimoortumik tapiissutit pillugit isumaqatigiissummi 2012-imi ataatsimoortumik tapiissutissanut 1.069,3 mio. kr.-it aallaaviusimapput. 2012-imut isumaqatigiissummi inatsisitigut pisussaaffiusunut soorlu ineqarnermut tapiissutinut aamma siusinaartumik pensionisiaqartunut aningaasartuutaasunut akiliutit katillugit 126,3 mio. kr.-inik annertussuseqartut ilaapput. Aammattaaq ataatsimoortumik tapiissutinut ilaapput 21,5 mio. kr.-it, kuuffiit eqqakkat aqquataasa nutarternerinut atorneqartussat. 2012-imi ataatsimoortumik tapiissutinut aallaavigineqartut, inatsisitigut pisussaaffigisat ilanngunnagit aammalu kuuffiit eqqakkat aqquataasa iluarsaannissaat aningaasartuutaassat ilanngunnagit taamaattumik 931,2 mio. kr.-inik annertussuseqarput.

Illua-tungeriinnit isumaqatigiissutigineqarpoq inatsisit tunngavigalugit akiliutissat ilanngunnagit aamma kuuffiit eqqakkat aqquataasa iluarsaannerinut 2012-imi ataatsimoortumik tapiissutinut aallaaviusussat 931,2 mio. kr.-inik annertussuseqartut akinut akissarsianullu 2,20 %-imik iluarsiiusserneqassasut, tassa 2012-imi 20.208.000 kr.-inik annertussuseqarlutik.

2.1, 2.2 aamma 3.1 Aningaasartuutininik inatsisitigut pisussaaffigisanik iluarsiiineq nalileeqqinnerlu

2.1 Ineqarnermut tapiissutinik 2010-mut iluarsiiineq

Ineqarnermut tapiissutinut aningaasartuutit 2010-mi naatsorsuutigisaniit annikinnerusimapput. Illua-tungeriit isumaqatigiippat kommuninut ataatsimoortumik tapiissutit 2012-imi ikiliniarlugit 8.336.000 kr.-inik, 2010-mi naatsorsuutigineqartunut naleqqiullugu atuinernut akiliutitut.

2.2 Ineqarnermut tapiissutinik 2012-imiit iluarsiiineq

Ineqarnermut tapiissutinut aningaasartuutit naatsorsuutigineqartuniit 2010-mi annikinnerusimaneri tunngavigalugit pineqartumut 2012-imut missiliuigallernerit 3,0 mio. kr.-inik ikinnerusut immikkoortinneqarput.

3.1 Siusinaartumik soraarnerussutisianik 2010-mut iluarsineq

Siusinaartumik soraarnerussutisianut aningaasartuutit 2009-mi naatsorsuutigineqartunit annikin-
runngaatsiarsimapput. Tamanna tunngavigalugu illua-tungeriit isumaqatigiipput 2012-imi kommuni-
nut ataatsimoortumik tapiissutit 16.402.000 kr.-inik ikilineqassasut.

4. Meeqqanut inuusuttuaqqanullu ulloq unnuarlu najugaqarfiit pillugit 2012-imut aningaa- sartuutissanut missingersuusiat

Ilaqtariinnermut, Kultureqarnermut, Ilageeqarnermut Naligiissitaanermullu Naalackersuisoqarfik
KANUKOKA-lu ukiumut aningaasartuutissanut missingersuusiorfiusumut 2012-imut aningaa-
tuutissat pillugit isumaqatigiipput.

Meeqqanut inuusuttuaqqanullu ulloq unnuarlu najugaqarfinnut 2012-imi aningaasartuutissat katil-
lugit 136.404,000 kr.-inut missingersuusiorneqarput. 2012-imi aningaasartuutissanut ataatsimoortu-
nut ilanngullugit naatsorsuutigineqarput 2010-imi atuinikinnerussutaasut 3.683.000 kr.-inik anner-
tussuseqartut. Meeqqat inuusuttuaqqallu ulloq unnuarlu angerlarsimaffiitut aningaasartuutit kom-
muninit akilerneqartarput, aningaasartuutillu 50 %-ii kommuninut ataatsimoortumik tapiissutit
ilanngaavigineqarnerisigut aningaasalersorneqartarluni, kiisalu 50 % kommuninit akilerneqartarluni
meeqqanut inuusuttuaqqanullu najugaqartunut annertussusilerikkamik akiliuteqartitsisarnikkut.

Illua-tungeriillu tamanna tunuliaqutaralugu isumaqatigiissutigaaat siumoortumik 2012-imi akiliutigi-
neqartussat 68.202.000 kr.-inik annertussuseqartut, taakkualu aningaasalersorneqassasut ataatsi-
moortumik tapiissutit ilanngaavigineqarnerisigut. 2010-mili aningaasartuutikinnerussutaasut kingu-
nerisaannik ataatsimoortumik tapiissutit qaffaavigineqassapput 729.000 kr.-inik, tamannalu isigine-
qassalluni 2012-imut ataatsimoortumik tapiissutit 2011-imi isumaqatigiissutaasumi ilanngaavigine-
qartunut sanilliullugu.

Kommunit ataatsimoortumik tapiissutit isumaqatigiinniutigineqarneranni kissaatigalugu oqaatigaat
ulloq unnuarlu aningerlarsimaffinnut atatillugu tamakkiisumik annertussusilerikkamik aningaa-
tuutaasut akilerneqartalernissaat kissaatigineqartoq. Manna tikillugu aningaasartuutaasut affaat an-
nertussusilerikkamik ulloq unnuarlu angerlarsimaffinnut akiliutaasutigut aningaasalersorneqartar-
put, affaalu kingulliit ataatsimoortumik kommuninut tapiissutit ilanngaavigineqarnerisigut.

Suleqatigiissitami sulinissamut tunngavissamik kommissoriumamik suliaqartuqassaaq, atorfillinnut
Ilaqtariinnermut, Kultureqarnermut, Ilageeqarnermut Naligiissitaanermullu Naalackersuisoqar-
fimmii, Aningaasaqarnermut Naalackersuisoqarfimmii aamma KANUKOKA-mit sulinissaanni
tunngavigineqartussamik.

Suleqatigiissitap sulinissaanut tunngavissaq kommissorium KANUKOKA-p siulersuisuinut Naa-
lackersuisunullu saqqummiunneqarnissaminut novembarip aallaqqaataani piareerseqassaaq.

5. Innarluutilinnut angerlarsimaffiit – 2012-imi aningaasartuutissanut missingersuutit

Innarluutilinnik sullissinerup 2011-imiit kommuninut nuunneqarneratigut innarluutilinnut angerlarsimaffinni najugaqarnerni ataatsimoortumik tapiissutitut akiliutissat annertussusilersorneqarneri kommunit tigusussaavaat. Innarluutilinnut angerlarsimaffiit ingerlanneqarnerannut aningaasartuutit meeqqanut inuusuttuaqqanullu ulloq unnuarlu angerlarsimaffinnik ingerlatsinertulli sulii Namminersorlutik Oqartussaniit aqunneqarput.

Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfiup aamma KANUKOKA-p oqaloqatigeereernerisigut innarluutilinnut angerlarsimaffiit ingerlanneqarnerannut 2012-imi aningaasartuutissanut missingersuutit isumaqatigiissutigineqarput.

Innarluutilinnut angerlarsimaffinnut kommunit ataatsimut 2012-imi aningaasartuutissaat missingersuusiorneqarput katillugit 123.710.000 kr.-inut. Innarluutilinnut ulloq unnuarlu angerlarsimaffiit ingerlanneqarnerannut aningaasartuutit kommuninut aningaasalersorneqartarput, aningaasartuutaa-sut 50 %-ii kommuninut ataatsimoortumik tapiissutit ilanngaavigineqarnerisigut akilerneqartarput, 50 %-illu innarluutilinnut inissinneqarsimasunut kommunit akiliuteqartarnerisigut akilerneqartarlutik.

Illua-tungeriillu tamanna tunuliaqutaralugu isumaqatigiissutigaat siumoortumik akiliutaasussat 2012-imut 61.855.000 kr.-inik annertussuseqassasut, kommuninut ataatsimoortumik tapiissutit ilanngarneqarnerisigut akilerneqartussat. Ataatsimoortumik tapiissutit taamaattumik ilanngaavigineqassapput 1.856.000 kr.-inik, taakkualu 2011-imi 2012-imut atasumik isumaqatigiissuteqarnermi ilanngunneqareersimasuupput.

Kommunit kissaatitut nalunaarutigisimavaat innarluutilinnut angerlarsimaffinni najugaqarnermut ataatsimoortumik tapiissutitsigut akiliutaasussat annertussusiliussat tamakkiisumik matussuserneqarnerinik tunngaveqartinneqalissasut. Maannamut aningaasartuutit affaannut tapiissutaasut aningaasalersorneqarput akiliutaasussat annertussusiliussat affaasa matussuserneqartarnerisigut, affaalu kingulleq ataatsimoortumik tapiissutit ilanngaavigineqartarnerisigut.

Suleqatigiissitamut sulinissami tunngaviusussamik kommissorium suliaqartoqassaaq atorfillinnit Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfiimiit aammalu KANUKOKA-miit inuttaqartinneqartussamik.

Suleqatigiissitap sulinissaanut tunngavissaq kommissorium KANUKOKA-p siulersuisuinut Naalakkersuisunullu saqqummiunneqarnissaminut novembarip aallaqqaataani piareerneqassaaq.

6. Danmark-imi inissiisarnernut aningaasaliissutit qitiusumi immikkoortitat

2011-imiit innarluutilinnik sullissinerup kommuninut nuunneqarneranut atatillugu isumaqatigiissutigineqarpoq aningaasanut inatsimmi immikkoortitsisoqartassasooq aningaasaliissutinik qitiusumi piareersimasuutigineqartunik, kommuniniit Danmark-imut innarluutilinnik immikkut inissiisaria-

qartarnernut akisuujusunut atorneqartartussanik. Aningaasaliissutit immikkoortitat kontomi pingaarnermi 30.13.07 Danmarkimi inissiisarnernut qitiusumik aningaasaliissutit inissisimapput.

Aningaasat immikkoortitat ataatsimoortumik aningaasaliissutaasunit ilanngaatilugit inissitaapput.

Innarluutilinnik sullissinerup kommuninut nuunneqarnerani 10 mio. kr.-it aningaasaliissutissatut immikkoortinneqarput. Ukioq manna 2011-imi piviusungortitsinerit tunngavigalugit, aammalu 2012-imut naatsorsuutigisat aallaavigalugit illua-tungeriinnit isumaqatigiissutigineqarpoq aningaasaliissutit immikkoortitat 2012-imiit 6 mio. kr.-inut ikilineqassasut. Taamaattumillu ataatsimoortumik kommuninut tapiissutit 2012-imiit 4 mio. kr.-inik qaffaavigineqassapput.

2013-imut ataatsimoortumik tapiissutissat isumaqatigiissutineqarneranni 2011-imi aningaasaliissutaasunit qitiusumik inissitaasunit 10 mio. kr.-iniit aningaasartuutaasimasunut iluarsissuteqartoqassaaq.

7. Inuiaqatigiit agguataarnerat

Illua-tungeriit isumaqatigiissutigivaat inuiaqatigiit agguataarnerisa allanngoriartornerat 2012-imut ataatsimoortumik tapiissutissani ilanngullugu naatsorsutigineqassanngitsoq. Illua-tungeriit isumaqatigiissutigivaat apeqqut aningaasartuutissanik missingersuusiortarnerup nutarterneqarnissaa pillugu suleqatigiissitami nalilersoqqissaarneqassasoq.

8. Annertusisamik immikkut atuartitsineq

Aningaasartuutit utertinneqartussat qaffasissusissaat Ilinniartitaanermut Ilisimatusarnermullu Naalakkersuisoqarfiup aamma Kalaallit Nunaanni Kommuneqarfiit Kattuffiata akornanni isumaqatigiissutigineqarput. Akigititat iluarsivigineqassapput 2011-imi aamma 2012-imi akissarsiaasussatut missingersuutit tunngavigalugit. 2011-imut akissarsiat 1,56 %-imik iluarsivigineqarput, 2010-mi akissarsiaasunut sanilliullugit, 2012-imilu akissarsiaasussat 2,20 %-imik iluarsivigineqarlutik 2011-imi akissarsiaasussatut missingersuutigineqartunut sanilliullugit. Illua-tungeriit isumaqatigiissutigaat annertusisamik immikkut atuartitsineri nalunaaquttap akunnerinut ataatsimut utertitsineri akigitinneqartoq 2012-imi 547,57-imik annertussilerneqassasoq.

9. Innarluutilinnik sullissinerup nuunneqarnissaa

Illua-tungeriit isumaqatigiissutigaat 2011-ip ukiaani suleqatigiissitamik pilersitsoqassasoq, innarluutilinnik sullissinerup nuunneqarnerani tunngavigisanik qulaajaasussanik, tassungalu ilaassallutik aningaasat nuunneqartut taakkulu kommunit akornanni agguataarneqarnerat..

Suleqatigiissitaq Kalaallit Nunaanni Kommuneqarfiit Kattuffianniit, kommuninit ataasiakkaaniit, Aningsaarnermut Naalakkersuisoqarfimmiit aamma Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfimmiit sinniisunit peqataaffigineqassaaq. Kiisalu siunnersortimik avataaneersumik kommunini pissutsinik ilisimasaqartumik peqataatitsisoqassaaq. Suleqatigiissitap suliassaqarfik qulaajareersimassavaa 2012-ip ukiaani.

10. Akiliisitsiniartarneq

Kommunit ataatsimoortumik tapiissutit isumaqatigiinniutigineqarneranni naammagittaalliutigalugu oqaatigaat innuttaasut akiitsuisa annertuumik qaffakkiartorsimanerat, akiliisitsiniartarnerup Namminersorlutik Oqartussaniit 2008-imi tiguneqarnerata kingorna.

Namminersorlutik Oqartussat ilisimatitsissutigivaat Naalakkersuisut akiliisitsiniartarneq pillugu nassuiaammik 2011-imi suliaqassasut. Naatsorsuutigineqarsinnaavoq innuttaasut pisortanut akiliggassaasa apparteriarneqarnissaannik kinguneqarsinnaasunik nassuiaammi suliniutissanik siunner-suuteqartoqassasoq.

Illuatungeriit tamatumunnga atatillugu isumaqatigiissutigivaat Kalaallit Nunaanni Kommuneqarfiit Kattuffiat nassuiaatip suliarineqarnerani tusarniarneqassasoq.

11. Nunap immikkoortuini ineriartortitsinermut atatillugu kommunit iliuusissaat

Illua-tungeriit isumaqatigiissutigivaat nunap immikkoortuini ineriartortitsinermi suleqatigiinneq ingerlatseqqinneqassasoq, suliassa qarfinni ukunani immikkut iliuuseqarnissaq siunertaralugu:

Meeqqat atuarfiat, ilinniagaqartunik siunnersuineq pitsaanerusoq, tamatumani immikkut iliuuseqar-neq inuusuttuaqqanut 16-iniit 18-inut ukiulinnut, aammalu nuna qarfinni, suliffeqarnermi iliuusissat piginnaanngorsaaqqinneq qitiutillugu, kiisalu allamik ilinniagaqartitsisarneq piginnaanngorsaanerlu suliffissanut ineriartortitsiviusunut sammitillugu, aammalu sinerissamut qanittumi aalisarnerup pis-sutsinut atuuttunut naleqqussarneqarneranut atatillugu.

Illua-tungeriit isumaqatigiissutigivaat 2011-imi isumaqatigiissuteqartoqassasoq, suliassa qarfiit pine-qartut pillugit ersarinnerusumik iliuusaasussat pillugit.

Illua'tungeriit tamarmik immikkut 10 mio. kr.-inik aningaasaliinermikkut suliniutinik nukittorsaa-niarput maannamut suliniutaareersunut tapertaasussanik.

Tamatumalu saniatigut Namminersorlutik Oqartussat ilinniagaqartunut assigiinngitsunik sammive-qartunut inissialiorneq tulleriiarnerminni pingaarnert ilaattut inissinniarpaat, 2012-imut aningaa-sanut inatsisissatut siunnersuutip suliarineqarnerani. Illua-tungeriit isumaqatigiissutigivaat isumaqati-giissuteqartoqassasoq atuarfinnik atuartunullu angerlarsimaffinnik sanaartorneq eqqarsaatigalugu, tamatumunnga atatillugu ataatsimoorussamik nalunaarusiornermut ilassutitut, 2011-ip ukiaani saq-qummiunneqartussatut naatsorsuutigineqartumik.

12. Meeqqanut inuusuttuaqqanullu tunngatillugu anguniakkanut kommunit iliuusissaat

Illua-tungeriit isumaqatigiissutigivaat meeqqat inuusuttuaqqallu pillugit anguniakkat suleqatigiissu-tiginerat ingerlateqqinneqassasoq

Naalakkersuisut meeqqanut inuusuttuaqqanullu tunngatillugu anguniakkat inatsisartut ukiaanerani 2011-imi ataatsimiinneranni saqqummiunniarpaat. Meeqqanut inuusuttuaqqanullu anguniakkat arfinilinnik suliniuteqarfissanik imaqrput:

- Ukioqqortussuseq tunngavigalugu piaartumik suliniuteqartarnej
- Ajornartorsiutit pillugit piaartumik suliniuteqartarnej
- Atornerluisunik katsorsaaneq
- Meeqqat ilinniarnarat ineriartornerallu
- Immikkut ilisimasalinnik ilinniartitsineq sulianillu nalilersuineq
- Suliniutit nakkutiginerat iliuutsillu uuttortarnerat.

Anguniakkat arfinilinnik immikkoortortallit iluanni siunnerfinnik arlaqartunik aamma anguniagaqartoqarpoq, taakkualu meeqqat inuusuttuaqqallu sullinneqarneranni tigussaasutut iliuuseqarfissaalutik. Iliusaasussat amerlasuut annerusumik minnerusumilluunniit maanna kommunini ataasiakkaani suliniutaareersunik tunngaveqarput, taakkualu nukittorsaavigineqarlutillu ineriartorteqqinneqassapput.

Illua-tungeriit isumaqatigiissutigaaat meeqqat inuusuttuaqqallu sullinneqarnerat pillugu anguniakkani saqqummiussinerup ilaatut Namminersorlutik Oqartussat kommunillu akornanni isumaqatigiissuteqartoqassasoq.

Illua'tungeriit tamarmik immikkut 10 mio. kr.-inik aningaasaliinermikkut suliniutinik nukittorsaniarput maannamut suliniutaareersunut tapertaasussanik.

13. Kommunit paasissutissiisarnermut attaveqatigiinnermullu anguniakkanut IKT-strategi-mik taaguuteqartumut ilassutaat

Illua-tungeriit isumaqatigiissutigivaat IKT-mik anguniakkani suleqatigiinneq annertusarneqassasoq. IKT tassaavoq paasissutissiisarnermut attaveqatigiinnerullu atortorissaarutit nutaat atorlugit ingerlanneqarnera.

Naalakkersuisut inatsisartut 2011-imi ukiakkut ataatsimiinneranni IKT-mik anguniakkat pillugit nassuiaateqarniarput. IKT strategi-mi iliuuseqarfissat 20-it sinneqartut tikkuarneqarput, iliuuseqarfussat tallimat iluanni ineriartortinneqartussat:

- **Tele- aamma internet** – internet-imi periarfissap atorineqanngitsup iluaqutigineqarnissaanik isumannaarineq.
- **Innuttaasunik kiffartuussineq aamma pisortat allaffissornerat** – iliuusissat qarasaasiatigut digital-iusumik kiffartuussinermi paasissutissiisarnermilu assigiissumik tunngaviliissusar.
- **Ilinniartitaaneq aamma piginnaasat** – iliuusissat ilinniartitsisut ilinniartinneqarnerisigut ilinniakkat naammattumik pitsaassuseqarnissaannut aqutissiuisussat, digital-iusumillu ilinuisiornerup ineriartortinneqarnera.

- **Peqqinnissaqarfik** – peqqinnissaqarfimmi sunniuteqarluartumik aqutsineq, telemedicin iluaqutigalugu ingerlatsinikkut.
- **Ineriartortitsineq aamma inuussutissarsiutit** – IKT-ip iluaqutigineqarnera inuussutissarsiormermi unammillersinnaanerup isumannaarneqarnissaani.

Illua-tungeriit isumaqatigiissutigaat nassuiaammik saqqummiussinermut tapiliullugu IKT-mik pi-sortat iluaquteqarneranni ataatsimoorussamik aningaasalersuinissaq siunertaralugu isumaqatigiissu-teqartoqassasoq, tassanilu kommunit Namminersorlutik Oqartussatulli aningaasaliissuteqassallutik.

Illua'tungeriit tamarmik immikkut 10 mio. kr.-inik aningaasaliinermikkut suliniutinik nukittorsaa-niarput maannamut suliniutaareersunut tapertaasussanik.

14. Aningaasartuutissanut missingersuusiortarneq pillugu isumaqatigiissutip nutarterneqar-nera

Illua-tungeriit isumaqatigiissutigaat missingersuusiortarneq eqqarsaatigalugu isumaqatigiissutaasoq nutarterniarneqassasoq. Isumaqatigiissut atuuttoq 2003-imiit atortuulerpoq. Isumaqatigiissutip nu-tarterneqarnissaanut piffissaalerpoq, kommunit suliassaqarfinnik arlaqartunik aaqqissuusseqqinne-rup kingunerisaanik pisortat ingerlataannik tiguisussanngormata.

Pisortat aningaasarsiormerat ukiuni aggersuni aaqqissuussaanermigut nutartertariaqarluinnalerpoq, taamaattumillu kommunit Naalakkersuisullu pisariaqartippaat kalaallini inuiaqatigiinni iluaqutaa-sussanik ungasissumut aaqqiissutissanik nassaarniarnissaq siunertaralugu qanimut suleqatigiinnis-saq.

Akilerartarneq Atugarissaarnerlu pillugit siunnersuisoqatigiit isumaliutissiisumminni unammilli-gassat annertuut, - isumaginninnermi, ilinniartitaanermi, ineqarnermi aammalu akilerartarnermi politikkinut tunngasut qulaajareerpaat. Tamatumalu saniatigut isumaliutissiisummi siunnersuusi-orluni allaaserinnittoqarpoq aningaasarsiornikkut politikki attanneqarsinnaasoq pillugu qanoq aaqqiis-suteqartoqarsinnaanersoq pillugu. Aningaasartuutissanut missingersuusiortarnermi politikikkut suleqatigiinneq unammilligassat pineqartut aaqqiivigineqarniarneranni ilapittuutaassaaq, Inatsisartut isummiussaata tunngavigalugit unammilligassat aaqqiissutissarsiorneqarneranni.

Illua-tungeriit isumaqatigiissutigaat nutaamik isumaqatigiissuteqarnissaq ukiup naannginnerani naammssiniarneqassasoq, taamaaliornikkut 2013-imut ataatsimoorumik tapiissutissat missinger-suusiortarnermi nutaamik isumaqatigiissutaasumik tunngavilimmik ilusilersorneqarsinnaaqullugu.

15. Oqimaqatigiissumik kommunini ineriartortitsineq

Kalaallit Nunaanni ineriartorneq ukiuni amerlasuuni illoqarfinnut annernut sisamanut, Qaqortumut, Nuummumut, Sisimiunumut aamma Ilulissanumut eqiterussimavoq.

Naligiissaarisarnermi iluseq maanna atuuttoq kommunini akileraarutitsigut isertitat ilaasa ineriartornermik assigiinngitsumik tunngaveqartup naligiissaarneqarnerannut iluaqutaavoq. Kisianni maanna aningaasarsiornikkut ineriartorneq atuuttoq kommunit aningaasaqarneranni assigiinnginnerujartornermik kinguneqassasoq.

Naalakkersuisut kommuninut kajumissaarutigisimavaat kommunit akornanni assigiinnerusumik ineriartortoqarnissaanik isumannaarinnittoqassasoq.

Kommunit soqutigisat assigiinngitsut pissutigalugit maanna naligiissaarinermik aqqissuussinerup allannguutissaanik siunnersuuteqarniarsimangillat, Naalakkersuisullu qinnuigisimallugit kommuninut ataasiakkaanut killiliussat nammineerlutik allannguiffigissagaat.

16. Taasariaqartut allat

Ataatsimoortumik tapiissutissat pillugit isumaqatigiissut una Namminersorlutik Oqartussat kommunillu akornanni isumaqatigiissutigineqartoq, aningaasaliisartutut oqartussat akuersinissaannik tunn-gavilimmik isumaqatigiissutigineqarpoq.

Nuuk, ulloq 03. oktober 2011.



Maliina Abelsen
Aningaasaqarnermut Naalakkersuisoq



Martha Abelsen
Kalaallit Nunaanni Kommunit Kattuffianni siulittaasoq

Namminersorlutik Oqartussat
Kalaallit Nunaanni Kommuneqarfiit Kattuffiat

Ilanngussaq 1. Aningaasartuutissanut missingersuusiorfimmi 2012-imi kommuninut ataatsimoor-tumik tapiissutissanut isumaqatigiissummi immikkoortut assigiinngitsut

	Isumaqatigiissut	--- mio. kr.-it ---		
		2012	2013	2014
Aallaaviit 2011-imi isumaqatigiissut tunngavigalugu	1.066.408.000	1.069,3	1.068,1	1.068,1
1. Akinut akissarsianullu iluarsiiisutit	20.208.000	20,2	20,2	20,2
2.1. Ineqarnermut tapiissutinut iluarsiiisut 2010	-8.336.000	0,0	0,0	0,0
2.2. Ineqarnermut tapiissutinut iluarsiiisut 2012	-3.000.000	-3,0	-3,0	-3,0
3.1. Siusinaartumik soraarnerussutisianut iluarsiiisut 2010	-16.402.000	0,0	0,0	0,0
4. Meeqqanut inuusuttuaqqanullu ulloq unnarlu angerlarsimaffiit	729.000	-1,1	-1,1	-1,1
5. Innarluutillit angerlarsimaffii	-1.856.000	-1,9	-1,9	-1,9
6. Danmark-imi inissiisarnernut qitiusumi immikkoortitat	4.000.000	4,0	4,0	4,0
7. Innuttaassut allanngoriartornerat Demografi	0	0	0	0
Kommuninut ataatsimoor-tumik tapiissutit nutaat	1.061.751.000	1.087,6	1.086,3	1.086,3